

ÁKVÖRÐUN RÁÐSINS

2008/EES/27/29

frá 26. apríl 2004

um að veita Kýpur, Möltu og Póllandi tiltekna, tímabundnar undanþágur frá tilskipun 2002/96/EB um raf- og rafeindabúnaðarúrgang (*)

(2004/486/EB)

RÁÐ EVRÓPUSAMBANDSINS HEFUR,

með hliðsjón af sáttmála Lýðveldisins Tékklands, Lýðveldisins Eistlands, Lýðveldisins Kýpur, Lýðveldisins Lettlands, Lýðveldisins Litháens, Lýðveldisins Ungverjalands, Lýðveldisins Möltu, Lýðveldisins Póllands, Lýðveldisins Slóveníu og Lýðveldisins Slóvakíu um aðild að Evrópusambandinu, einkum 3. mgr. 2. gr.,

með hliðsjón af lögum um aðildarskilmála Lýðveldisins Tékklands, Lýðveldisins Eistlands, Lýðveldisins Kýpur, Lýðveldisins Lettlands, Lýðveldisins Litháens, Lýðveldisins Ungverjalands, Lýðveldisins Möltu, Lýðveldisins Póllands, Lýðveldisins Slóveníu og Lýðveldisins Slóvakíu og aðlögun að sáttmálunum sem Evrópusambandið er grundvallað á, hér á eftir kölluð „aðildarlögin frá 2003“, einkum 55. gr.,

með hliðsjón af beiðnum Kýpur, Möltu og Póllands,

með hliðsjón af tillögu framkvæmdastjórnarinnar,

og að teknu tilliti til eftirfarandi:

- 1) Samkvæmt fyrstu undirgrein 5. mgr. 5. gr. tilskipunar Evrópuþingsins og ráðsins 2002/96/EB frá 27. janúar 2003 um raf- og rafeindabúnaðarúrgang⁽¹⁾ skulu aðildarríkin sjá til þess að eigi síðar en 31. desember 2006 verði hlutfall sérstakrar söfnunar á raf- og rafeindabúnaðarúrgangi frá heimilum komið í a.m.k. fjögur kíló að meðaltali á hvern íbúa á ári. 2) Í 2. mgr. 7. gr. tilskipunar 2002/96/EB er mælt fyrir um lágmarksmarkmið um endurnýtingu á raf- og rafeindabúnaðarúrgangi og endurnýtingu og endurvinnslu íhluta, efniviðar og efna. Aðildarríkin skulu sjá til þess að framleiðendur nái þessum markmiðum fyrir 31. desember 2006.
- 3) Í samræmi við 1. mgr. 17. gr. tilskipunar 2002/96/EB skulu aðildarríkin samþykka nauðsynleg lög og stjórnsýslufyrirmæli til að fara að tilskipun þessari eigi síðar en 13. ágúst 2004. Í a-lið 4. mgr. 17. gr. tilskipunar 2002/96/EB er þó kveðið á um að Grikkland og Írland, sem vegna skorts á grunnvirkjum til endurvinnslu, landfræðilegra aðstæðna, s.s. mikils fjölda lítilla eyja og dreifbýlis- og fjallasvæða, strjálbýlis og lítillar notkunar raf- og rafeindabúnaðar, eru hvorki fær um að ná markmiðinu um söfnun sem um getur í fyrstu undirgrein 5. mgr. 5. gr. né markmiðunum um endurnýtingu sem um getur í 2. mgr. 7. gr. tilskipunar 2002/96/EB og sem geta, skv. þriðju undirgrein 2. mgr. 5. gr. í tilskipun ráðsins 1999/31/EB frá 26. apríl 1999 um urðun úrgangs⁽²⁾, sótt um framlengingu frestsins sem um getur í þeirri grein, hafi heimild til að framlengja frestinn, sem um getur í 5. mgr. 5. gr. og 2. mgr. 7. gr. tilskipunar 2002/96/EB, um allt að 24 mánuði.
- 4) Á grundvelli 55. gr. aðildarlaganna frá 2003 hafa Kýpur, Malta og Pólland óskað eftir aðlögunartímabilum með tímabundinni undanþágu frá tímamörkunum sem mælt er fyrir um í fyrstu undirgrein 5. mgr. 5. gr. og 2. mgr. 7. gr. tilskipunar 2002/96/EB. Malta tilgreindi sem ástæður skort á grunnvirkjum til endurvinnslu, lítið magn raf- og rafeindabúnaðarúrgangs, takmarkanir sökum þess að landið er lítið og einangrað landfræðilega með lítinn innlendan markað, mikið þéttbýli með tengdum landnýtingarvandamálum og að landið flytur meira inn af raf- og rafeindabúnaði en út. Kýpur og Pólland tilgreindu sem ástæður skort á grunnvirkjum til endurvinnslu og strjálbýli. Pólland tilgreindi einnig hátt hlutfall dreifbýlis.

(*) Þessi EB-gerð birtist í Stjtið. ESB L 162, 30.4.2004, bls. 114. Hennar var getið í ákvörðun sameiginlegu EES-nefndarinnar nr. 107/2005 frá 8. júlí 2005 um breytingu á bókun 31 við EES-samninginn, um samvinnu á sérstökum sviðum utan marka fjórþætta frelsisins, sjá *EES-viðbætur við Stjórnartíðindi Evrópusambandsins* nr. 60, 24.11.2005, bls. 28.

(¹) Stjtið. ESB L 37, 13.2.2003, bls. 24. Tilskipuninni var breytt með tilskipun 2003/108/EB (Stjtið. ESB L 345, 31.12.2003, bls. 106).

(²) Stjtið. EB L 182, 16.7.1999, bls. 1. Tilskipuninni var breytt með reglugerð Evrópuþingsins og ráðsins (EB) nr. 1882/2003 (Stjtið. ESB L 284, 31.10.2003, bls. 1).

- 5) Þessar ástæður réttlæta framlengingu áðurnefndra tímamarka um 24 mánuði fyrir Kýpur, Möltu og Pólland.

SAMFYKKT ÁKVÖRDUN ÞESSA:

1. gr.

Kýpur, Malta og Pólland hafa heimild til að framlengja tímamörkin, sem um getur í fyrstu undirgrein 5. mgr. 5. gr. og 2. mgr. 7. gr. tilskipunar 2002/96/EB, um 24 mánuði.

2. gr.

Þessari ákvörðun er beint til aðildarríkjanna og Lýðveldisins Kýpur, Lýðveldisins Möltu og Lýðveldisins Póllands.

Gjört í Lúxemborg 26. apríl 2004.

Fyrir hönd ráðsins,

J. WALSH

forseti.